


2010-mi kommuneqarfinni aningaasartuutit annertuseriassapput

*Kommuneqarfinni
aningaasartuutit
annertusiartortut*

Namminersorlutik Oqartussat 2010-mi naatsorsuutigaat aningaasartuutit allanngorartuunnginnissaat, kommuneqarfiit assigiinngitsutigut suliniutitik annertusillugit suliniuteqarlutik missingersersuuteqarput. 2010-mi Kommuneqarfiit ingerlatsinermut aningaasartuutinullu 4.170 mio. koruunit aningaasartuutigaat. Tamanna 2009-mut sanilliullugu 5,2 pct.-mik atuiffiuneruvoq.

2010-mi kommuneqarfiit ingerlatsinermut aningaasartuutinullu atuinerat



Kommuneqarfinni ingerlatsinermut aningaasartuutinullu atukkat annertusinerat pingaarnertut atatinneqarsinnaavoq isumaginninnermi ingerlatsinermut ilinniartitsinermullu aningaasartuuteqarnernut. Isumaginninnermik ingerlatsineq kommuneqarfinni suliat annertunersaraat, tassani pineqarlutik isumaginnikkut atugarissaarnissamik iliuutsit taamatullu inunnik ikiuisarnerit, inuusuttunik meeqqanillu, innarluutillinnik utoqqarnillu, taamatuttaaq suliffeqarfinnik ingerlatsinernut, inigisanut, pitsaaliuinerut, napparsimasoqartillugu aningaasanik ikiuteqartarnernut, innarluuteqalernertigut suliffissaaleqilernertigullu akiliuteqarnertigut, ineqarnermut tapiissuteqartarnertigut peqqissartinnernut akiliuteqarnertigut, sioqqutsilluni pensionisiaqalernertigut isumaginninnerit, nalinginnaasumillu pensionisiaqalernertigut aningaasartuuteqarnerit il.il.

*Ulluunerani
paaqqinnittarfinnut
aningaasat amerlanerusut*

Kommuneqarfinni isumaginninnermi ingerlatsinermut 2010-mi aningaasartuutit 1.934 mio. koruuniupput. 2009-mi ingerlatsinermut sanilliullugu 160 mio. koruunik annertunerullutik. Aningaasartuutit annertusinerat annerusumik peqquteqarpoq utoqqalinertigut pilersuinnermi aningaasartuutit annertusiartornerannik, nappaateqalernikkut innarluuteqalernikkullu aningaasaliinerni aammalu ilaqutariinnut, meeqqanut inuusuttunullu atugarissaarnissamut iliuuseqarnerni. Ulluunerani paaqqinnittarfeqarnerinnarnut 2010-mi ingerlatsinermut sanaartukkanullu aningaasartuutit 64 mio. koruuninik annertusissapput.

... aamma atuarfeqarneq

Ilinniartitsineq illoqarfinni atuarfeqarnermut atavog, inuusutissarsiuuteqalernissamut atuarfiit soorlu Piareersarfiit, inersimasut ilinniartitsinermut ikiorsisutit il.il. 2010-mi 905 mio. koruunit ilinniartitsinermut atorineqassapput. 2009-mi atukkanut 95 mio. koruuninik amerlanerullutik. Ilinniartitsinermi aningaasartuutit annertusinerat pingaarnermik atuarfeqarnernut tunngasuuvog, tamatumani aningaasartuutit 86

mio. koruuninik annertusinerat pct.-ngorlugu 12,3 pct.-mik annertuseriarnerulluni. Ingerlatsinermut sanaartukkanullu aningaasartuutit annertusiartornerat matumani eqqartorneqarpoq.

... pdf. filinngorlugu **"Pisortat 2010-mi ingerlatsinikkut kiffartuussinikkullu missingersersuutaat"** saqqummersitaq Naatsorsueqqissaartarfimmut saaffiginnikkut piniarneqarsinnaavoq imaluunniit pdf-filitut pineqarsinnaalluni Naatsorsueqqissaartarfiup nittartagaatigut www.stat.gl.

*E-mailimut
ilaasortanngorit* Siunissami kisitsisitigut paasissutissat nutaat Naatsorsueqqissaartarfiup saqqummer-sittakamigut tamanut saqqummiinerani ilisimatinneqartalerusukkuit, emaili atorlugu nutaarsiassaasivipput ilaasortanngorfigiuk: Iserfigiuk www.stat.gl. Ammakkavit qu-laani qineruk "Kiffartuussinerit" malittuanillu "Pisartakkanut tunngasut". Taava siu-nissami kisitsisitigut paasissutissat nutaat tamanut saqqummiunneqarnerini e-mailikkut pissarsisinneqartalissaatit.

Annertunerusumik paasisaqarusukkuit saaffigisinnaavat naatsorsueqqissaarnermi siunnersortaaneq Lene Baunbæk e-mailkut leba@stat.gl.

Inussiarnersumik inuulluaqqusillunga

Lene Baunbæk
Siunnersorti